






Early European Books, Copyright © 2011 ProQuest LLC.  
Images reproduced by courtesy of Koninklijke Bibliotheek, Den Haag.  
Pft 204







Early European Books, Copyright © 2011 ProQuest LLC.  
Images reproduced by courtesy of Koninklijke Bibliotheek, Den Haag.  
Pflr 204





Early European Books, Copyright © 2011 ProQuest LLC.  
Images reproduced by courtesy of Koninklijke Bibliotheek, Den Haag.  
Pflr 204




Early European Books, Copyright © 2011 ProQuest LLC.  
Images reproduced by courtesy of Koninklijke Bibliotheek, Den Haag.  
Pflr 204
















~~II L. 209 mf~~





























WAR R  
OBSIDI

riana, qua

Anno 15

pro dantio

castellum est.

APTORN  
AL

D  
Exrud  
M.



BREVIS  
NARRATIO DE  
OBSIDIONE ALCMA

*riana, quam post hebdomades septem,  
Anno 1573. Hispanus cum magno  
suo damno atque ignominia dimittere  
coactus est.*

AVCTORE NANNIO FORESTO  
ALCMARIANO.



DELPHIS  
Excudebat, Anno Domini  
M. D. LXXIIII.



Psalmo 33.

Non seruatur rex, eò quod multum habue-  
rit exercitum. heros nequaquam per  
multam virtutem suam pericula eua-  
dit.

1. Samuel 14.

Non est Domino difficile, seruare in pau-  
citate.

2. Paralip. 14.

Domine nihil refert apud te, vt auxilium  
feras vel multis, vel his quibus non est  
robur.

1 Machab. 1.

Non in multitudine sua est victoria bellica,  
sed potentia e coelo.





**AMPLISSIMO  
SENATVI POPULOQUE**

*Alcmariano, Nannius Forestus Alcmarianus salutem ac pacem precatur.*

**I**N istis rerum publicarum naufragiis, regnorum populorumque dissipatione atque vastitate horrenda, quam sub huius mundi finem Satanas acerrimus infestissimusque humani generis hostis pro suo furore ac rabie passim administrat: ingens profecto Dei donum est viri clarissimi, quod in extremis aliquot orbis terrarum angulis atque oppidis politici ordinis atque Ecclesiae reliquas conservari videmus. Et si enim diabolus per administratos suos (quorum ut magnus est numerus, vis ac potestas immensa: ita et machinationes insidiae, ac technae, promptae sunt ac paratae) civilis societatis ac communionis rationes atque vias omnes intervertere conetur, et sacros Christi

A ij

cetus



cœtus prorsus delere experimur tamen  
indies, ac re ipsa propius edocemur, exis-  
guam admodum fidelium piorumque mas-  
num ac gregem nullis quidem humanis  
præsidis, sed vna Dei misericordia atq[ue]  
benignitate inuiolabilem alicubi ac san-  
ctum custodiri. Vt cum ciuilis vitæ vni-  
culo & consociatione purior etiã Euan-  
gelij doctrina, integra apud illos ac sar-  
ta tecta maneat. Cuius rei, vt reliqua  
omnia prætermittamus, locupletissimum  
nobis testimonium præbet Xantonum  
celeberrima vrbs Rupella, quã magnus  
ille Galliarum Rex Carolus nonus, dum  
hoc ipso vertentis anni curriculo arctis-  
sima grauissimãque obsidione pressam  
subuertere instituit, nihil certè aliud,  
quam post ingentes labores sumptusque  
castrenses, cum summo probro atq[ue] igno-  
minia internecionem suorum ac cladem  
retulit, dũ deducto tandẽ exercitu liber-  
tatem religionis vrbi relinquere cogitur.

Nam



Nam ut paucis subiiciam, quod ea de re  
ex literis Anglicanis, in obsidione nostri  
oppidi nuper accepi portum nobilissimum  
Rex, demersis nauibus centum quadra-  
ginta eis intercluserat, oppidum verò ad-  
hibitis machinis grauioribus septies acer-  
rimè oppugnauit, ut tormentorum maiorum  
globi in mœnia vr̄bis emissi dicantur tri-  
gesies sexies milleni, atque e suis Rex di-  
missa obsidione disiderasse ad multa ho-  
minum millia. Inter hæc, omnia oppidanis  
arctiora fiebant. Carnis enim, qua vesce-  
rentur, intra menses quatuor nihil reper-  
tum: de pane autem cibario, qui tribus mē-  
sibus defecisse dicitur, aliquid adserua-  
tum a matronis, quæ pugnaturis cum hos-  
te oppidanis quasi demensum quoddam  
inde porrigebant. In tanta autem penuria  
ac rerum egestate, preces ad Deum ar-  
dentes atq; indefessas Rupellani effude-  
runt, concionibus indies in muris etiam  
ad armatos habitis. Exaudiuit & illos

A iij Deus,



Deus, piscitij genere intra occlusi portus  
stagna lacusque largissimè concessio, quo  
obfessi ad capitum millia quatuordecim  
famem tolerarunt, oleo, vino, saccaro, ac  
sale, quorū nullus ibidem defectus erat,  
parcè ac frugaliter adhibito. Nam & lac  
de vaccis quindecim, ac de ouibus trigin-  
ta in aegrorum infantiumque vsum ac ne-  
cessitatē admensum. Tādē Rex, quum  
neque machinis suis urbem expugnari,  
neque frangi oppidanos atq. domari ciba-  
riorum temutate et inopia posse animad-  
uerteret: pacificationem illis, quam  
ante triennium sanxerat, confirmavit  
additis pro eorum securitate oppidis qua-  
tuor, quæ in sua ipsi potestate habes-  
rent. Quam tam insignem memorabi-  
lemque verè piarum ac fidelium libera-  
tionem, si cum nostræ obsidionis con-  
ditione atque exitu componamus: eri-  
mus quidem tormentariorum iētuum  
ac præ-



ac praeliorum numero inferiores, sed  
decertandi diligentia constantiaque, ad-  
ministrandi belli ratione ac modo, quo-  
rumcunque incommodorum patientia  
ac toleratione, denique victoriæ laude  
ac gloria, si non superiores, pares sal-  
tem reperiemur. Nam ad quater fe-  
rè millenos bombardarum ictus in vr-  
bem excepimus, repetitaque sexies hor-  
rendum in modum oppugnatione, ni-  
hil in nostrorum alacritate, nihil in  
perseuerantia, nihil in munitionibus,  
aliisque operibus publicis continuandis,  
nihil denique in viribus animisque  
certantum desideratum est. Ac  
permirum etiam hosti visum, ea pro-  
pugnatorum raritate toties redintegra-  
tæ, ac tam arduæ oppugnationis vim at-  
que impetum potuisse a nostris susti-  
neri. Et vero, ne in vrbe circumfesa  
sainiquius præbita carne ac lacticiniis,

A iiij

populæ



popularis aliquis tumultus ac seditio ex-  
oriretur: sanctissimis æ quissimisque legio-  
bus maturè a vobis Viri amplissimi, est  
prouisum, militum exhibendorū, quoad  
eius fieri potuit, æquabilis inter ciues to-  
lerabilisq; distributio, frumentaria alias  
rumque rerum in publicum largitio, mor-  
deratè facta. Nec ciues eorū, quæ ad pa-  
cem concordiamque cum stipendiariis res-  
tinendam pertinebant, quicquā prætere-  
misere, paratis nonnullis famem potius  
inediam perpeti, quam illis ad vescendum  
quid deesset. Nam utcumq; rerum neces-  
sariarum copia in vrbe ac facultas sup-  
petebat, plerique tamen ciuium propter  
belli huius diuturnitatē, quum ad subles-  
uādos militiæ sumptus crebrò aliquid de  
suo contulissent tenuiores erant redditus,  
ac suam ipsi rem familiarem ægrè admo-  
dum sustinebant. In Ecclesia autem fide-  
lium tametsi altero ministrorum Ioanne  
Arnoldo viro præstātissimo esset orbata,  
alter



alter verò morbo apprehensus lecto decum-  
beret: statis tamen diebus prælectiones  
fiebant e scripturis sanctis, atq; e nus-  
mero seniorum quispiam preces publicae  
præibat, vt isto conuentu frequentiaque  
pij testaretur, se in istis ærumnis, ac dif-  
ficultatibus ad vnū Deum pro auxilio ac  
liberatione confugere. Nec ambigendum,  
quin fidelium orationes lacrymæ ac suspi-  
ria obsessis pro muro & arce inuidiosis-  
sima fuerint. Quid enim quaeso aliud dicer-  
mus, quam quos socij ac fœderati pro de-  
relictis videbatur habuisse, eos diuinitus  
fuisse adiutos, ereptosque veluti e fauci-  
bus immanissimarum belluarum? an non  
e cælis pugnatū est, quum hostis cōtinuis  
imbribus, aqua, pluuiæ, procellis, tempe-  
statibus vêtis ac grādine coactus est eam  
oppidi partem, quæ in septentrionē atque  
ortum solis spectat, ab obsidione vacuam  
relinquere? alioqui quis oppidanis, præse-  
diariūq; in ipsa certaminis acie, tam ma-

A v sculum



sculum pectus, tantum animi robur indidit, ut in hostem numerosissimum valentissimūque intrepide atque alacriter pro sua paucitate insurgerent? nonne is demum Deus, qui Hispanorum consilia, machinationes, insidias, conatusque omnes facile elusit, ac profligatis iis victoriam nobis concessit? Glorientur ergo Rupellani, quod Dei beneficentia ex gravissima obsidione emerferint in iucundissimā vitæ ac fortunarū libertatem: gloriabimur et nos, ac profectō multo magis gloriabimur, quum ad desperationem omnia nobis vergerent, vnius tamen Dei ope atque auxilio adeptos esse, ut quum hostis in oppugnatione oppidi nihil proficeret, post hebdomades septem cum dedecore exercitum deduxerit. Ceterum quum in istam obsidionem multa incidissent, quæ nepotibus ac posteris nostris tanquam per manus tradi plurimum referat: vestris primum atque amicorum postulatis obse-



obsequutus, epitomen ac breuiariū quode-  
dam totius obsidionis congeſſi, actis qui-  
busque in ſuos dies veluti claſſes diſtri-  
butis. Tantum enim abeſt, vt iuſtam ha-  
rum rerum hitoriā edere voluerim (quā  
ad rē vt ingenuē fatear, neque ingenij acies  
atque ſolertia mihi ſuppetit, neque vacui tē-  
poris atque otij eſt ſatis) vt ab initio notas  
duntaxat ac coniectionē eorum, quæ per  
id temporis euenerant, ad memoriam poſte-  
ritatis cōſcripſerim, facta poteſtate ei,  
qui noſtræ tempeſtatis res Belgicas ſu-  
ſius ac plenius perſequi velit, vt vel hinc  
ad contexendū in vniuerſum hitoriā  
mutuetur: quæ inſtituto ſuo cōuenire iu-  
dicabit. Redegi autem ſcripto partim ea,  
quæ in caſtris hoſtium accidiſſe captiuo-  
rum per ſugarumque ſermonibus accepi,  
in quibus fortasſis reperientur, quæ pau-  
lo aliter atque illi dixerint, ſe habeant,  
partim quæ in vrbe ac Repub. facta ſunt.  
Ea enim, vel corā ipſe vna cū reliquis in  
oppidum



oppidum inclusus oculis meis subiecta vis-  
di, vel ab iis, qui cum gererentur, presto  
fuerūt, propius inuestigata explorataque  
comperi. Verum quicquid hoc est libelli,  
inter bombardarū horrēda illa tonitrua,  
fragores, crepitusque hostiliū armorum,  
dum in muris & ipse cum cæteris hastas  
tus consisto, ferè sum meditatus. Ad ves-  
perum autē & in multā plerūque noctem  
conscripsi, si quid dignū memoria, antes-  
actæ diei fatū peperisset. In quas certè tē-  
poris angustias inclusus, excusationē nī  
fallor habebo, quod absq; ullis verborum  
phaleris pigmentisque rhetorū, siue rerū  
sententiarūq; amplitudine ac maiestate,  
quā suo iure hīstoria flagitare videtur,  
simplicē et nudā rerū gestarū seriē obiter  
attigi. Eorum autē omnium, quæ hic nar-  
rantur, finis ac scopus is est, vt exēplis ac  
re ipsa cōdocefiāt improbi ac scelerati du-  
ces, quāuis ad bellū recte administrandū  
parandāque victoriā nihil prorsus deesse  
sibi



sibi existiment: Deo tamen abundè ad  
manū & in promptu esse, quo hostiū suo-  
rum fastum ac superbiam deiiciat: retune-  
dat peruicaciā atque insolētiā: insidias  
& machinationes reddat irritas, potens-  
tiam & vires vniuersas semel frangat.  
At contra pij omnes, quum in summa ple-  
rumque rerū omnium desperatione ac per-  
riculo versentur, vt nullum omninò cons-  
filiōrū suarumque rationū, exitum præ-  
oculis cernant, istis tamen quasi familias  
ribus documētis commonefient, ad omnes  
casus fixam immotāque in Deo spem re-  
tinendam esse, qui suos nunquam deserat.

Vobis autem Viri ornatissimi ciues  
mei, qualemcūque istum partum meū in-  
clientelā offero, vt a morsibus ac calūniis  
maleuolorū quorundam, qui obtreclando  
sugillandoque bonorū quorumcūque stu-  
diis perniciosè obstrepūt, probè defendas-  
tis ac tueamini. Etsi enim ego gloriæ ac  
laudis omnis iam pridem sim satur, homo  
ad



ad purpuratos istos aulicos: vestrarū tamēn erit partiū propositis quibusdā prēmiorū inuitamentis excitare totius ciuitatis pubē vt ingenij virtutisq̃ cultum aliquem capeſſat: vt linguarū atque omnium, quæ ad humanitatem pertinet, artium atq̃ disciplinarū cognitionē ad suum vsum & vtilitatē adiungat. Ita Alcmaria, quæ & olim clarissimæ scholæ præconio apud exteros cōmendata est, tādē veluti seminariū nobis reddetur Reipub. atq̃ Ecclesiæ Christi, quarū hæc defectu ministrorū in ipso natiuitatis primordio, ac veluti inter manus obstetricis breui exspiratura videtur, illa verò tot casibus rerūq̃ cōuersionibus iactata, nihil aliud quā naufragiū atq̃ interitum nobis minatur, nisi repētē gubernatores aliqui summittātur, qui et rerū gerendarū & artium literarūq̃ scientia muniti instructiq̃ nauem istā scitē regāt, in qua cum presentissimo vitæ ac facultatū discrimine sumus omnes. Adhæc et domestico exēplo cōmo-



ne fieri vos oportuisse iudicabā, ne si qua  
rursum fatalis calamitas aut tristioris  
fortune casus inopinatō extiterit, statim  
ac si conclamatum iam esset gradu cons-  
tātie deiecti, fractiq; animis concidatis,  
sed potius recordatione victoriæ, quam  
præter omniū expectationē adepti intra  
ciuitatis nostræ muros possidemus, exci-  
temini ad certissimā liberationis spē atq;  
fiduciā. Ille enim idē Deus, qui Hispanos  
a ceruicibus vestris depulit, in posterum  
quoq; ab incursionibus eorū et iniustissi-  
mo dominatu tutos saluosq; præstabit, si  
modò in illius fiduciā curāq; securē incū-  
batis. Ego verò qui et inter ciues vna  
accēsendus iurisiurādi sacrosancta publicis  
caq; fide & honorati cuiusdam muneris  
autoramento vobis arctissimè deuinctus  
sum, me ex eorū esse numero nequaquam  
diffiteor, qui conatus suos omnes omnia  
studia ac labores ad religionis tutelam  
& conseruationem, simul & Reipub.  
tranquillitatem atque pacem referunt.



Et ut nullum in ea re operæ pretium faciā, ingenij celeritate ac luce efficiendiq̃ potestate destitutus, valebunt tamen suspiria mea apud Deum, ac coniunctæ cum fidelium cœtu præces, ne quā honestatis, pudicitie ac morū conturbationem dissipationemq̃ue ac profligationē solidæ pietatis Hispanus in nostram Rempub. insuebat. Quod sanè, ut Deus nobis effectū det, etiā atq̃ etiam orabimus, certi omnino, pro paterna eius clemētia ac bonitate exauditū iri nos, propter nomē vnigeniti filij sui Iesu. Deus ille Viri præstātissimi diu vos Reipub. nostræ atque Ecclesiæ Christi saluos & incolumes præstet.

Raptim Alcmarie, e cubiculo meo  
ipsis idibus Octobris, Anno  
Domini 1573.



## POSTQVAM Harlemenses,

qui obsidionem ad vnā & triginta hebdomades magno animo constanterque tolerarāt, decimo tertio Iulij rei frumentariæ inopia ac penē enecti fame se permisissent Hispanis, deditionis lege capitis fortunarūque libertatē frustra excipere conati: quarto die post, qui est Iulij Decimus sextus, Hispani bis mille pedibus ac quingentis, equitū vero vexillationibus quatuor ad Alcmariam admotis, videbantur oppidū istud vel inopinatō voluisse capere, vel obsidione arctius claudere. Plærique autē ciuiū pauefacti subita animorum consternatione, dilapsi, effractis portis ipsius repagulis, conscensisque nauibus euasēre. Verum cū Auraici, qui ab Houa castello Egmondensi copias suas ad urbē peroportunē adduxerāt, aditum præoccupassent, ac ruptis portarū claustris pessulisque se ingelsissent in urbem: Hispanus irritus propositi recessit. Fluctuabat tum temporis Alcmaria ancipiti prorsus salutis atque incolumitatis fiducia. Pōtificij enim, qui spe condonationis, vt plærique nostrorū suspicabantur, Hispanum eo deuocarāt, tametsi id clanculū ac tectē egissent, per occasionē aperto iam Martē contendebāt in oppidum ad se hostē recipere. Contra nostri instare, vt Auraicus miles, tuendi oppidi causa ceu præsidium aliquod intromitteretur, qui tandē vrbe in suam, vt diximus, potestatem redacta, factaque eruptione Hispanos submo-  
uit, interfectis vt fertur manipulis aliquot. Nec diu Alcmaria tum circumfessa mansit. Qui enim urbē captum venerāt Hispani, decimo octauo Iulij castris vico Heilo Iul. admotis, subitō Harlemum ad exercitum se receperunt. 18.  
Ita vrbe Dei beneficio ab Hispanorum incursionibus primum vindicata, nihil prius habuit Magistratus noster, quam rem frumentariam procurare. Ac quamuis ab illustrissimo Principe Auraico seriō imperatū fuerat reliquis VVaterlādixæ fœderatis ciuitatibus vt Alc-  
B mariam



mariam ceu totius Northollandiæ propugnaculū an-  
 nona, ac puluere tormentario maturè instruerent: Se-  
 natus tamen Alcmarianus per Consules suos ad comi-  
 tia Hornæ ægrè obtinuit, vt ordines fidem suam inter-  
 poneret de filigine & hordeo nostris in mensem vnum  
 atque alterum coëmendo. Proinde Magistratus noster  
 ne rebus ad victum necessariis quamprimum deficeret,  
 in singula ciuium capita frumentum comparandum  
 edixit, ac de puluere bombardico, quoad eius copia  
 suppetebat, curam non supernuacua ipse egit. Ita re-  
 frumentaria, vtrunque prouisa, oppidani in munien-  
 dæ vrbis nouo opere, quod iussu Principis Auracici sub  
 auspiciis clarissimi viri Caroli a Boissot pulchrè cœp-  
 tum ad finem feliciter decurrebat, partitis tempori-  
 bus alacriter pergebant. Ac mandato Iacobi Cabella-  
 ui viri optimi nobilissimique, penes quem in Præsidia-  
 rios summum erat in vrbe imperium, decimo octauo  
 Aug. Augusti ad portam Aquilonarem, qua Hornam profi-  
 18. ciscetibus terra iter est, propugnaculum extrui cœptum  
 est a rusticis, qui opus faciendum conduxerant. Loca-  
 tum autem ea lege, vt redemptor operis, intra septima-  
 nas tres prorsus absolueret. Verum eius rei, vix dum  
 Aug. initio rectè facto hostis superuenit, siquidē mensis eius  
 21. vigesimo primo, Hispani equestribus copiis, partim ad  
 Nieportum, partim ad Outdorp, vicos proximos, trans-  
 missio fluuio, qui ab vrbe eos discludebat, adductis ac  
 magno peditatu Alcmariā rursus circumfidere cœpe-  
 runt, ac primum quidē occuparunt ædes duas, quæ extra  
 pomeria vrbis Orientem versus ripæ adhærebant, vt  
 Jul. portu occupato, navigatione etiam quemadmodum &  
 22. terrestri itinere, nos intercluderent. Oppidani verò eo  
 ipso die adhibitis aliquot stipendiariis vnas ædes cum  
 molendinis igni succenderunt, sed alteras neque flam-  
 mis absumere potuerunt, neque hosti eripere. Itaque  
 nocte insequenti Hispanus fauces portus nostri obstruxit  
 naue perfo:ata, ac deuersa. Hoc ipso tēpore, qui tuendi  
 portus



portus causa ad introitū lacus Schermerij excubias habebāt, desertis munitionibus vltro profugerūt. Iā portus erat in hostiū manu, nec fuga modò nostris, si qua elabi voluissent, sed & subuehēdi comineatus facultas ōnis interclusa atque prærepta. Oppidani enim, vt subsidiariis nostrorū copiis aliquē ad urbē accessum relinquerēt: eodē die emissis boreali porta, quos habebant, equitibus cōmissoque prælio conabātur Hispanos auertere ea via, quæ oppido excedentes in vicū Outdorp ducit. Verū hostis, quod militū numero longē superior esset, equitus nostros, qui ad quinquaginta duntaxat erant, tandē in urbē compulit, itinere adituque eō occupato. In eō certamine equitum nostrorum Præfectus lauciatus paulo post ex vulnere in oppido interiit.

Vigesimo autem tertio Augusti, vt portum quoquo Aug.  
modo nostri recuperaret, nauigiis adhuc paratis ignem 23.  
inlicere in domu in istā quæ ad linē portus adiacebat, denuo aggrediebātur. Ciues cū altero Consulū intermixtis Præfidiariis quibusda naues cōscenderāt, nauali præliō hostē petitori, reliqui verò, vt terra præliaretur, cōuenerant. Sed cū Hispanus velites aliquot Nieporto emisisset, qui a meridie speciē quandā oppugnantīū urbē præberent, nostri simulatque campanæ sonitu signū datū erat, ab ista velitatione sese in oppidū receperūt, paucis ciuibz militibusque amissis. Ita omnis rei istius molitio frustra fuit.

Postridie eius diei aliquos suorū ad moenia Hispanus Aug.  
misit, rogatū vt fide publica nostri cum ipsis in collo- 24.  
cutionem venirēt. Qua re ad Præfectū Cabellāum relata conuocatoque concilio, inter ipsum, Tribunos militū, Consules, ac Primores ciuitatis fide inuicem data acceptaque sanetē conuenit, ne cum hoste paciscerētur, imò ne collocutio quidē fieret. Atque ita Hispano renūciatū. Iā iacta erat belli alea. Exinde enim, cū hostis suos nō recipi ad colloquiū animaduerneret, tormentis maioribus in urbem detonare inuituit, quæ e regione

B ij      salinarum



salinarum collocata, nihil ferè aliud quam ædes lace-  
rabant. Nam in aggere extruendo, muniendoque dies  
noctesque nostri occupabantur.

Aug.  
25.

Adhæc vigesimo quinto Augusti cælo albescēte  
classicū Hispanus ad portam Harlemensem cecinit, vo-  
luitque videri oppugnationē orbis facturū, Sed men-  
dax fuisse signum exitus ipse docuit. Eodē die missus  
ab Hispano Præfectus militum cognomento Steen-  
bachus ut putatur, tanquam fecialis addito tubicine,  
quum ad portam borealē, quæ a Frisijs denominatur,  
propius accessisset, rogavit nostros, qui muros circun-  
stabant, facerēt ne potestatem sibi tuto paulisper con-  
sistendi. Vbi nostri de vallo annuissent: expetiuit Præ-  
fectū Cabellaum, vel ex Consulibus aliquem ad collo-  
quium. Sed interim dum ad Præfectum id refertur, a  
gregario quodā milite agnitus iussus est euestigio dis-  
cedere. Illum paulisper regressum excubitores e muro  
scloporū globulis petierunt, inclamantes proditorem  
esse quod eius machinatione traditum Harlemum ho-  
sti dicatur. Verū ille districto gladio nostris intermi-  
natus statim se subduxit. Paulo post quidam ex militi-  
bus ipsius Steenbachī, conquestus immanem Hispano-  
rum crudelitatem, tanquē e custodia ad nostros trans-  
fugit. Interrogatus ille a nostris, quantum in exercitu  
hostili militum esset, respondit: Hostium qui urbē ob-  
sidebant, supra triginta milia esse. Quod quum verisi-  
mile non esset, eius verbis fides non adfuit. Ea propter  
& custodes ei appositī sunt, tanquam proditionis reo,  
qui vanum ciuibz terrorem incutere voluisset.

Aug.  
28.

Ad vigesimum octavū Augusti, quum biduo isto  
nihil memorabile accidisset, ipso noctis silētio subla-  
to clamore ingenti Hispanus ad oppidum oppugnan-  
dum accedere videbatur, eo, ut creditur, cōsilio, ut do-  
cumentum propius caperet an animi aliquid ad tuen-  
dam urbem ciues haberent. Scloporum fragore totum  
oppidum personabat, audiebatur in castris hostium  
classicum



classicum militare. Verum ubi milites ciuesque ad defendendam urbem alacriter accurissent, atque intrepide constitissent in muris, paulatim hostis recessit. Hoc ipso die ad horam sextam antemeridianam, cum magno totius Ecclesiae luctu in fata concessit gravissimus integerrimusque vir Ioannes Arnoldus apud Alcmarianos verbi Minister, cuius meus ac frater in Domino carissimus, qui in Hollandia primus Ecclesiam Christo collegit & instituit, homo literaturae quidem politioris planè expers, ac nullis, quas vocat, liberalibus disciplinis tinctus, sed tamè gravitate vultus, sententiarum verborumque pondere perpetuo laudis præconio celebrandus. Sub ipsum vitae exitum, cum prælij signum audiretur, passis manibus cū familia Deum oravit, ne Alcmariam patriam suam hosti diripiendam excindendamque traderet, quin potius fidelibus ac piis tugurium quoddam illic conseruaret. Insequenti nocte ante portam Frisiorum, quam vocant, Hispani munitiones fecerunt vallo erecto, unde propius muros urbis tormētis quaterēt, nec potuerunt nostri bombardarū digradinatione crebra ab instituto opere eos arcere. Ad horam tamè duodecimam pomeridianam eruptione subitò facta Hispanos e munitione exturbarunt. Verum illi recollectis viribus ac maiore peditem manu cōfestim recuperarūt vallum, nostris in fugam compulsis. Repertum in præda aliquid pulveris tormentarii cum galeis ac gladiis aliquot Hispanorum, id nostri e fuga retulerunt domum.

Ipsis Calendis Septembris tabellariorum nostro-  
rum vnus, quum reliqui omnes emāssissent, tandem in  
urbē rediit, cum magna ciuium gratulatione & applau-  
su. Litteræ enim, quas a Northollandiæ Præfecto Theo-  
doro Sonoy viro amplissimo humanissimoque & or-  
dinibus ipsis ad Senatum Alcmarianum ad ferebat, ple-  
næ erant rerum lætissimarum. Siquidem ille præfatus  
initio, quam dolenter ferat arctissimā urbis nostræ ob-  
sidionem,

B iij

Cal.  
Sepe



fidionem subdebat mox, se vt primum de ea re audierit, omne omnino diligentiam adhibuisse, vt aliquod in super peditum vexillum nostris subsidio adderet, sed conatum cum omnem frustra fuisse, quod Præsidiarij munitiones ad ostium Schermerij lacus iam ante deseruerant, nihil tamen eorum, quæ ad auxilium ac liberationem oppidi pertineant, quoad eius fieri poterit, se prætermitturum, cum capitis etiam ac vitæ suæ iactura, qui & Principem Auracum de subsidio per litteras iam appellarit, nihil addubitans, quin nostri interim, dum auxiliares istas copias patienter expectant, excello animo atque infracto hostium impetum sint excepturi. Adhæc quod Magistratus noster postularit, vt aggerem, quo mare ad Medenblicam coërcetur, interscindat soluatque: se re cum ordinibus Northollandiæ communicata, obices ac pontes lacuum stagnorumque iam reclusisse, sed & aggerem illum, si necessitas modò exigat a se dissolutum iri. Cæterum quod nostri scripserint tormenta maiora viginti quatuor ab hoste ab urbem admota esse, id ab exploratoribus suis non renunciari, se tamen non ignorare ærumnas ac difficultates urbis grauitè obessæ, quibus quod dicto citius succurrere non possit: ex animo sibi dolere, se tamen quacunque via ac ratione effecturum, vt quamprimum fieri poterit, suppetiæ nobis aliquæ ferantur, Hæc ille. Ordines verò in eandem fere sententiam quibusdam præmissis de puluere tormentario, quem indies expectent, ample promittebant, missuros se, simulatque acceperint, nec minus interim operam daturos, vt terra pariter & Schermerio lacu auxilia obsefsis summittantur. Proinde orare, vt oppidani animos sumant, agantque viriliter, eo magis, quod Comitibus Ludouici Nassouij ad Philippum Vanderanum proximæ literæ iubeant Hollandos bono animo esse, nec frangi desperatione successus, quod Harlemum ab hoste captum sit, quin potius æquitate causæ suæ freti masculino pectore constan-



constanterque pergant in vindicanda patriæ libertate,  
certa spe atque fiducia breui se ab vniuersa semel ty-  
rannide exemptum iri. Adfinxerant rumoribus ami-  
culi aliquot, dum per id temporis literas quasdam ad  
obsessos dant, Christophorum Palatini filium nostris  
subsidio adduxisse in Geltriæ oram equitum duo mil-  
lia, peditum verò millia quinque, Ludouicum Nassou-  
ium cū reliquo exercitu subsequi. Exspectari quoque  
indies sclopetarios multos, quos Auræicus e Zuythol-  
landia nobis in auxilium misit. Alemarianus igitur,  
(quos Hispanus veluti in caueam vndiquaque incluse-  
rat, non saginandos ad cultrum, sed potius maceran-  
dos) duodecimo demum ab oblidione die animus re-  
uixit, reuerso nuncio, ac præter spem tam fausta renun-  
ciat, qui & ipse ab excubitoribus, qui itinera arctissime  
obsidebāt, vndique circumseptus cursu ad mœnia eua-  
sit, credo mirifica Dei optimi maximi prouidentia ac  
benignitate.

Non destitit autem Hispanus vrgere, quod cœpe-  
rat. Siquidem tertio Septembris penè in ipso vestibulo  
portæ Frisiorum, aggerem effodit, eo vt nonnullis vi-  
sum est cōsilio, vt cuniculos oblique actis, subiectaque  
pulueris bombardici vi propugnaculum nostrum dissi-  
ceret: aliorum verò coniectura ferebat. inde tormentis  
mœnia concussum iri. Medio autem die cum stratori-  
bus nostri excursions fecerant, vallum istud hostium,  
solo æquaturi, sed prementibus Hispanis in urbem re-  
iecti sunt, re infecta.

Postridie verò intra pomeria vrbs ad exitū por-  
tæ aquilonaris, propugnaculum exædificare cœperunt,  
dirutis proximis ædibus quatuor, vt si Hispani portā il-  
lam occupassent, inde hostē nostri, ne mox in urbē cum  
suis irrumperet, cōniode arcere possent. Ductum opus  
orbiculari figura, in modū Lunæ semiplenæ. Cæterum  
quum in vrbe nouæ indies difficultates pemergere-  
nt, quæ explicatus habebant longè intricatissimæ



decreto Senatus nostri Consulibus attributi sunt duo  
Sept. 6. tanquam subsidarii, qui Reipub. onera cum ipsis par-  
ticiparent, ea noui Magistratus creatio incidit in sex-  
tum Septembris.

Sept. 8. Octauo autem eiusdem mensis die Iacobus Pou-  
let natione Flader virtute ac laude bellica insignis vir  
peremptus est. Dum enim Hispanos duos fortè procur-  
rentes incantius e muro spectat, excubitorum quidam  
e castris hostium, caput ei sclopi globo traiecit. Circa  
hæc tempora videbantur nos ludificare Hispani, dum  
aliud in speciem præferunt, aliud verò animo agitāt.

Sept. 10. Nam huius mensis decimo tormenta quæda me-  
diæ magnitudinis Montium vicum plaustris transpor-  
tabant, ac si fugam adornarent. Sed nocte insequenti,  
dum coniunctis nauculis aliquot in vicem pontis ad  
mœnia trāsitum moliuntur, excubiæ nostræ bombar-  
dulis emissis ab incœpto desistere eos compulerunt,  
multis interfectis ac ponte rescisso, nimirum ita Hispa-  
ni speciem fugientium præbent, vt desides interim ac  
somniales inopinatò opprimant ac iugulent.

Sept. 11. Quo circa vndecimo statim post solis exortum  
maior solito equitum numerus cum curribus cerneba-  
tur, quibus rursus tormenta subuehebant ad urbem,  
tamen si continuis imbris, quod Septentrionem ver-  
sus itinera lutosa essent & inuia, nihil admodum pro-  
mouerent.

Sept. 12. Duodecimo autē Septembris equos multos adque  
vectoribus Montio hostis ad oppidu reduxit, cū maio-  
re equitatus peditatusque copia. Sub vesperam verò  
curribus circiter viginti, magnum asserum viminea-  
rumque cratiū vim admouerut ad turrim cognomen-  
to rubeā, quæ in orientē respicit. At nocte quæ proxi-  
mè secuta est, munitiunculas quasdam arbustis cōtex-  
tas erexerunt ante portam, quam Frisiorum appellant,  
ea mente quod euentus postea declarauit, vt tormen-  
tis ibi dispositis valli loco essent, Nam quod nonnulli  
suspica-



suspiciabantur, fore ut ad eum modum oppidanos vadique conclusos rerum egestate & inedia frangerent atque expugnarēt: Vana profectò coniectura erat, non solum quod nauigationem hostis in sua potestate non haberet: Verum etiam quod a tergo respiciendum ei fuerit, ne a subsidiariis nostrorum copiis ex improviso obrueretur.

Perstabat igitur Hispanus in acceleranda oppugnatione, siquidem decimo quarto Septembris ante D. Pe. 14. tri Turriculam, quæ inter portam Septentrionalem, ac nouū Monachorum propugnaculum media interiacet, aggerem duxit, vnde stratores nostros, qui ruinosum murum paulatim subducerent, tormentorum crebris ictibus submoueant. Collapsa eò loci erat muri aliqua pars, cuius loco vallum nostri moliebantur, expositi telis hostiū, ac quum ex Baiulis nonnulli a sclopetariis Hispanorū percussi repente concidissent, alij verò grauius essent vulnerati: reliquis eo die metus iniectus est, quo minus in instituto operæ pergerent. Nocte autem proxima præsidiariorum manipuli tres Hispanum aggere illo, quem ad D. Petri Turrim extruxerat, tumultuariè exegerunt. Verum ubi colliculum lignorum defectu complanare nequeunt, incurrentibus Hispanis iterum cedunt.

Caterum cum in urbem non submitterentur a federatis qui de subsidio nobis renunciarēt, neque ex urbe per custodias hostiū frequentiores, iter nostris exploratoribus aperiretur: de communi Magistratus ac Tribunorum sententia præsidarii aliquot sub noctem clanculum oppido egressi, ex Hispanis, qui meridiem versus in aggere faciendo occupati erant, comprehensum vnum in urbem viuū adduxerūt, & nisi prædæ cupiditas eos detinuisset, omnes, omnino, qui munitionibus istis extruendis intenti erant, eadem opera cepissent. Factum est hoc Septembris quinto decimo. Hic 15. rursus agnouimus ingens Dei beneficium. Quod enim

B v

per



per literas socij nobis non significabant, fecit Deus ut  
ex hostilibus castris planè intelligeremus, dum a capti-  
uo Hispanorū mentem atque consilium, propius expis-  
cavimus. Renunciabat ille Federicum Toletanum ab  
aula admonitum esse, uti oppugnationem urbis ma-  
turaret, & nisi secundū aut tertium oppido potiretur,  
copias in Brabantiam subduceret: eius esse animi impe-  
ratorem totius exercitus Federici, ut quatuor omnino  
locis vno eodemque tempore ad oppugnandum oppi-  
dum aggrediretur, quo aliquam saltem urbis partē de-  
fensoribus denudatam occupet atque inuadat, tametsi  
iurgium aliquod ei cum Nortcarmio ac dissensionē in  
ratione capiendæ urbis intercedere prædicabat. Iam  
pontes ad eam rem paratos machinasque reliquas ad  
manum haberi, quæ expugnationi urbis inferuissent.  
Decreuisse autem illum sub portam Frisiorum ad tur-  
riculam Orientalem, quæ a rubedine cognomen acce-  
pit, tormētis prius muros conuellere, quam ad oppug-  
nandum accederet. Ad meridiem verò, qua Harlemum  
itur, ponte modò velle moenia coniungere, at salinas  
nauali certamine velle adoriri. Quin, & hoc apud se sta-  
tuisset Federicum, si oppidanis subactis urbem vi cape-  
ret, in iugulandis ciuibz atque incolis neque modum  
aut rationem vllam ætatis vel sexus se habiturum. Ve-  
rum pii omnes ac fideles cum multis lacrymis ac suspi-  
riis Deum præcabantur, ut tam immanem ac cruentam  
tyrannidem a ceruicibus nostris clementer amoueret.  
Præter hæc rogatus captiuus de copiis hostium, quæ in  
istam expeditionem adductæ sint, aiebat eas esse ad ho-  
minum, sex millia ac circiter quingentos, partim Ger-  
manorum, in quorum equitatu numerentur quadrin-  
genti, peditum verò ad summū vexilla quatuordecim:  
partim Italarum, Hispanorumque, quibus equites sint  
trecenti, pedites autem ad vexilla sexaginta quatuor.  
Quamuis autem non copiosiores Hispanis exercitum  
fuisse



uisse caprius iste ad firmabat: soluta tamen urbis ob-  
dione ab iis, qui hostium castra coram ipsi inspex-  
int, longe aliter accepimus. Siquidem imperator exer-  
tus istius Federicus Toletanus, cui Nortcarminus, Ju-  
anus Romerus Praefectus castrorum, atque alij Gallica  
Hispanica nobilitatis complures additi erant, castris  
ad vicum Oudorp positis penes se habebat veterano-  
rum suorum signa quadraginta duo, quibus cum sup-  
plementum novorum militum ex Italia nuper acces-  
erunt vexilla peditum octo. Equites Federicus ad cus-  
todiam corporis adhibuerant centum quinquaginta.  
Praeter haec, eo loci in equitatu numerabantur circiter  
quadringenti. Qui vicum Huysveert tuendum acce-  
rat Ferdinandus Toletanus Federici cognatus, ci-  
vexilla erant recentium Hispanorum octo, quorum  
singula ducentis fere capitibus censebantur. Ad D.  
ancratij pagum Germanus quidam cognomento Pol-  
vyler militum vexillis sex praerat, quibus addita in-  
uper erant e Praesidio Groningano signa peditum  
quinque. Pagum Coedijck, Baro a liques, cui praefec-  
tura Harlemensis erat concedita, duodecim Gallo-  
rum vexillis infederat, ad cuius copias aggregatus  
erat Baro a Cheureaulx, cum Burgundionum vexillis  
octo. In Montensium vero fabuleris Dominus a Ca-  
ries Gallos ad vexilla decem imperio regebat, Meri-  
liem versus ad Nieportum, Italicorum, Hispanorumque  
equitum duae erant turmae, Germanorum vero sub  
nanu Georgij Schenck vexillatio una. Ibidem & Hispa-  
ni statim habebant cum vexillis peditum recentioribus  
septem, quibus tanquam in subsidium adiuncta erant  
sub auspiciis Georgij Fransbergensis vexilla Germanorum  
duodecim. Adhaec tria militum signa Ottonis Comitiss  
bersteinij. Fuerunt igitur, ut id summatim comprehē-  
damus, ad urbem initio admota, vexilla peditum centum  
vnum & viginti, quibus ad minimum continebantur  
hominum



hominum millia sexdecim. Sed ex iis postea nonnulli  
ad vexilla aliquod Schellinevvoudam & ad naues, v  
maritimum præliū cum nostris facerent sunt traducti.  
Quoniā verò locus postulat & de viribus ciuitatis nō  
nihil subiicere, carptim ea delibemus. Ciues & incola  
qui per ætatem arma gestare poterant, repeti in vrbe  
mille ac trecenti, exceptis peregrinis, aduenis & agrico-  
lis, quos nobiscum Deus obsidione conclusit, quorum  
tamen non magnus erat numerus. Præfidiarij verò cir-  
citer octingenti. Nam ex peditum vexillis septem, quæ  
ante tuendi oppidi causa in præsidio erāt, duo primum  
iussu Theodori Sonoy Northolladiæ Præfecti, ac dein-  
ceps tertium paulo ante obsidionē vrbis nouissimam,  
cum mediæ magnitudinis tormentis tribus, quæ & ipsa  
ad defensionem vrbis collata erant in VVaterlandiam  
sunt traducta, quod iis locis summè necessaria esse di-  
cerentur.

Sept.  
26.

Decimo sexto Septēbris iuxta D. Petri turriculam  
muri pars, quod vterum iam pridē fecisset, ac noui ag-  
geris pondere illuuiēque subtus labefieret: sub noctem  
rursus decidit. Sed oppidani ea ipsa nocte aggerata hu-  
mo, mox hiatus expleuēre. Ita murus a maioribus no-  
stris valli loco ductus, nihil aliud quā in demoliendo,  
substituēdoque aggere negotiū nobis exhibet. Eo ipso  
die e regione portæ Frisiorum tormēta maiora nouem  
ante turrim verò rubeam septem numero ab hoste col-  
locata cernere licuit. Sed quum campi aqua pluuia so-  
lutisquē Northollandiæ Præfecti iussu & opera, pōtium  
atque aggerum obicibus septentrionem versus, vbi ar-  
gillofa est terra, ac prescius, quam ad meridiē sudfidet,  
veluti inundassent: magnā in ea re remoram passi sunt.  
Insequenti tamen nocte egesta alius humo propius ad  
portā Frisiorum ac sub ipsum penē aditum vallū por-  
rexerūt, fortassis vt immisso puluere bombardico pro-  
pugnaculum nostrum subruerent, quod tamen ab ipso  
fundamento truncis radicibusque arborum ac ruderi-  
bus



us compactum ac probe instructum erat aduersus  
quiusmodi cuniculos.

Postridie, qui Septembris erat septimus decimus Sept.  
dies, coepit Hispanus, ac si ad oppugnandam urbem omnia 17.  
comparata & ad manum haberet, constratos asseribus  
pontes, a meridie ac septentrione ostentare, tormenta  
ad muros dirigere, desultores, velites atque expedi-  
tos in proximis munitionibus collocare, caeteraque  
omnia in conspectum dare, quae in oppugnatione  
usui esse possint. Ad demus & illud, quod per noctem  
seu portentum aliquod in aere apparuit. Luna quae ad  
ultimum ferè quadrantem decurrerat, coepit sub ves-  
peram hora nona lumen suum nobis reddere, praeter  
communem naturae cursum & ordinem, quoniam eo  
curriculo demum submediū noctis cum sua luce alias  
conspici solet. Istuc in caelo prodigium cū multis aliis  
obseruarunt Petrus Meerhoultanus apud Alcmarianos  
scholae Rector, ac Theodorus Kater, vir diligens & in-  
dustrius, dum nocte per ambitum murorū rogatu Prae-  
fecti Cabellauī vigilas obit atque inspicit. Cōfirmauit  
& hoc animos piorum quorumcunque, veluti praesa-  
gium latioris exitus, quam rerū urbicarū lugubris pla-  
nè facies promittere videbatur. Stipendiariorum enim  
plurique non magnū belli usum habebant, & oppidanī  
non tam, armis, quā negotiationi & agriculturā exer-  
cendae videbātur apti esse et idonei. Nunc ad ipsam op-  
pugnationem, cuius ut principium horroris ac trepida-  
tionis pleuum erat: ita finis populari applausu, gaudio  
ac triumpho celebrabatur.

Septēbris enim decimo octauo sub ipsum aurorae Sept.  
crepusculum, horrendum intonuit Hispanus, emissis 18.  
in urbem tormentis maioribus viginti. Siquidē ad Fri-  
siorum portā ordine disposita habebat nouem, quibus  
sub proximo molendiūo adiuncta erant duo veluti in  
subsidiū: ad turriculam verò orientalem quā rubeam  
denominari diximus, septem numero: e regione salina-

rum



rum duo tantum, quorum altero turricula istius defe-  
 sores concideretur. Atque eo ipso die circiter bis mil-  
 iibus istarum bombardarum, hostis moenia percussi-  
 .71 In vrbe multa aedificia discerpta atque mutilata, homi-  
 nes numero quinque aut vt plurimum sex, tormentis  
 istis enecti. Isto prodigio Deus futurae victoriae velu-  
 praelusit. Quum enim Hispanus tanti crebris tormento-  
 rum iustibus anteriora portae Frisiorum ac turris rubee  
 deieceret ad solum, cepit ad semissem horae quarta  
 pomeridianae praemissis expeditis aliquot Hispanis vr-  
 bem strenue oppugnare, ante portam quidem Frisio-  
 rum aditu sibi ruitis ac caesis facto: ad turrim vero ru-  
 beam ponte deducto. Et vero vt magis attonitos op-  
 pidanos ac confectos animo redderet: voluit vi-  
 deri & sub propugnaculum portae Harlemensis, & vno  
 eodemque tempore ad salinas oppugnationem factu-  
 rus, illic quidem ponte vrbs falsis propius admoto,  
 hic vero ratibus quibusdam, quas suo milite comple-  
 uerat. Verum euenit, vt quae hostis ad terrorem nos-  
 trorum commentus erat, ea nihil de alacritate ac fi-  
 ducia eorum diminuerent. Nam vbi classicum ceci-  
 nisset, praesidiariorum oppidanorumque vnus & idem  
 animus erat in hoste repellendo. Certatim alius alium  
 praecurrere: quisque locum quem ceperat, grauius  
 tueri: nemo hostium incurfu cedere visus est, nisi  
 aut confossus aut grauius fauciatus: oppidani quod  
 a Tribunis militum iniunctum fuerat, confestim obi-  
 re: nemo imperium Ducis recusare. Mulierum quo-  
 que puerorum puellarumque ardens in praelium stu-  
 .72 dium cernebatur. Nostri enim ad moenia orbes pi-  
 ce ac seuo illitos, quos in hostem ardentes prouo-  
 uerent, continenter porrexere. Aquas feruefactas  
 ac calce excoctas lapidesque indefesse subministra-  
 runt, vt ad manum esset, quo Hispanos subeuntes no-  
 stri depellerent. Imo adolescentulorum plerique in  
 hostem



hostem silices, ac picatas istas coronas intrepidè ipsi  
iaciebant. Ac milites quosdam dicere memini, nisi  
foemina ad eum modum ipsos iuuissent quocunque  
armorum genere, futurum omninò fuisse, vt Hispani-  
nis virgentibus ipsi celsissent. Nec minus hostis, quæ  
expugnandæ urbis ratio deposcebat, præstitit. Nam  
qui primam oppugnationis aleam sortiti erant, quum  
per ruta & cæsa in fastigium portæ Prætorum eua-  
sissent, totis viribus adnitebantur nostros vallo deice-  
re. Contra nostri verutis, contris, sparis, gladiis &  
lapidibus eos submouebant. Audisses nihil quam fili-  
cum perpetuam degrandinationem, continuos tor-  
mentorum ictus, armorum strepitum fragoremque  
perpetuum. Nihil etiam vidisses aliud, quam flam-  
mas & ignem, dum nostri piceis istis corollis Hispani-  
nos induunt, fascibusque sarmentorum & stramentis  
incentis adurunt. Verum vt instat oppidani, Hispanos-  
que magno animo constanterque repellunt: defessis  
primis ab Hispanorum agmine confestim integri suc-  
cesserunt, qui & ipsi dum ancipitem oppugnationis  
fortunam cum magno suo malo experiuntur, breui  
cessere, victoriæ loco, multis certè vulneribus ac-  
ceptis. Nec tamen secundum sic reiecti Hispani de-  
pugnandi alacritatem prorsus abicere, sed euestigio,  
subiungunt alij, quorum vt maior numerus, ita & ani-  
mus ad expugnandum obfirmior. Primo accessu vo-  
ciferabantur penes se victoriam esse, signiferi eorum  
tres in vertice propugnaculi conspiciebantur, ibi sig-  
num vnum igne a nostris exustum, vexilliferi duo tru-  
cidati, signis proteritis dissipatisque. Tertius an ad  
suos redierit incolumis, incertum. Tandem & nouis-  
simi illi, dum impetum nostrorum amplius sustinere  
nequeunt, cum dedecore ad suos se recipiunt. Ita porta  
ab Hispanorum incurfionibus vindicata est. Inter hæc,  
ad turrin rubeam cruentum & acre fit prælium, dum  
Hispani eo loci traiecto ponte in moenia scandunt.

Verum



Verum hic iniquo pugnae loco stabatur nostri. Nam fronte aduersum cum hoste bellum faciebant, prohiberi eum, ne muros urbis transcenderet: a tergo vero lacerabantur bombardis istis, quas aduersus salinas dispositas fuisse diximus. Verum difficultatibus hisce positis animose nostri in pugna perstiterunt, nec contenti semel hostem vallo deturbasse in eos, qui in defatigantium ac cendentium locum recentes subibant, eadem alacritate atque animi robore ferebantur, puelis, mulieribusque studiose suggerentibus calcem, torques piceos, & aquam feruentem, qua subeuntes Hispani a nostris respergebantur. Ad eum modum bis repulsi Pontificij, tertio tandem & ultimo, numerosiore quam vnquam antea, pugnantium globo ad capiendum oppidum vegeti atque alacres redeunt, multitudine praeliantium, ut videbatur, nostros oppressuri: Sed milites atque oppidani, in tam diutino defensionis labore ac difficultate, quod suis ipsorum viribus apud se decrat, a forminarum puerorumque opitulatione ac subsidio mutuati, pari virtute animique fortitudine hosti obuiam iuerunt, nec dimicandi finem fecere prius, quam hora septima sub noctem ignominiose repulsi Hispani oppugnatione destiterunt. Iam victoria parta erat. Nam quod ad salinas nauibus, ad portam vero Harlemensem velitatum modum fuit, in iustae oppugnationis rationem non venit. Siquidem e salinis tormentorum globulis quidam transuerberati, reliquis documento fuere, ut subductis nauibus in munitiones se reciperet. Qui vero sub propugnaculum a meridie praeliantium specie discurrebant, quoniam pontem muro ciuitatis non coniungebant, indicabant facile non velle se ad tam ancipitem oppugnationem descendere, ac certo postea constitit, ideo coeptis destitisse, quod pons nostrorum tormentorum ictibus dissolutus fuerit. Nam reperta sub eo mutilata quaedam, atque a corporibus caelorum autulsa membra, terraque multo ibidem cruore hostium respersa.

Quod



Quod profectò in causa fuit, quo minus eo loci Hispanorum velites tam difficilem plenâque periculi oppugnationem subirent. Consultius tamen fecerit, qui ad providentiam Dei ista refert. In præsentissimum enim discrimen adductum iri ciuitas videdatur, propter paucitatem defensorum, si quatuor simul locis nos oppugando adortus fuisset Hispanus. Sed noluit indulgentissimus Pater Alcmariam nostrâ primum ni fallor, apud Hollandos Ecclesiæ Christi hospitium in truculentissimorum hostium potestaté venire, ne sanctum eius nomen, ubi diutissimè inuocatū est, scedè ab Hispanis prophanaretur. Victoriæ igitur laus omnis in vnum Deum competit. In tam ardua tamque horrenda vrbis oppugnatione, quam post horas fere quatuor subeuntis noctis tenebræ diremerunt, desiderati ex Præsidariis nostris circiter viginti quatuor: ex ciuibus verò tredecim, multi præterea faucij domum relati sunt. Hispanorū quingenti & amplius in ea pugna occubuisse dicuntur, quorum numero continentur Tribuni militum ac præfecti ad minimū vndecim, nec dubium quin ex hostibus longè plures cecidissent nisi tormētarius noster puluis subterraneo atque humidior loco repositus, aliquid inde vitij contraxisset. Multi enim leuiter vulnerati sensim reualuerunt. Ac ciuium plerosque inconsultus in certamine feruor sustulit, dum multò ante quam subeuntes Hispani capitibus supra vallum emineret in eos e sublimi iaculatur, nec aliud, quam hostium sclopiis expositi, se ipsi occidendos præbent. Eo in prælio, magna virtus ac constantia se exerunt Theodori Amsterodamensis cognomento Diaboli, ac Conrardi Steenvijck Tribunorum, quorum ille adiutus a suis stipendiariis ad Frisiorum, quam vocani portā, hic verò in tuenda rubeaturri magnam hostium stragē edidit. Militiæ totius dux Iacobus Cabellaus, vir si quis alius miti ac tractabili ingenio, tametsi per id temporis morbo affectus esset, præsto tamen erat ad portam, præsentia atque oratione

C

suus



sua noſtrorum animos confirmaturus. Nec detrahen-  
dum quicquā laudi ac meritis Scoti cuiusdam, qui dum  
apud Hariemēſes vexilliferi munus ſuſtinet, tradita vr-  
be, ab Hispanus inter reliquos captus erat, ac furtim ſe  
illis ſubducens, nuper admodum Alcmariam peruene-  
rat. Is ergo ſtrenuē fortiterque dimicando cum Hispa-  
nis, quos in iſta oppugnatione, ſupra viginti interfeciſſe  
fertur, omnem omnino proditionis ſuſpicionem apud  
noſtros diluit.

Sept.  
19.

Ex pontibus autē duobus, quos ad rubeam turrim  
hoſtis aduoluere erat conatus, noſtri per noctis tene-  
bras alterum igne iniecto interſciderūt, alterum verò  
die inſequenti, qui erat Septēbris decimus nonus, quum  
Hispanus veſperi ad mœnia producere niteretur, & ad  
turriculam iſtam, quæ ad oppugnationem pertinebāt,  
rurſus adminiſtraret: fragore iſto noſtri exciti ſtatim  
in armis fuēre. Meticuloſus quiſpiam inſuetus militiæ,  
iuſſit campanę ſtrepitu claſſicum canī, quemadmodum  
eadem nocte poſt circa horam tertiam ad arma a no-  
ſtris iterum euocabamur, quod Hispanus ſub portam  
Borealem arculas quaſdam aduolueret, quibus ad fa-  
ciliorem denuò oppugnationem, ſuis viam muniret.  
Ita ex torpidis alioqui ac languentibus oppidanis, dum  
quouis propemodum momento e ſommo ad prælium  
reſcindiendosque aggeres exciuntur, Hispanus expeditos  
& ad omnem caſum paratos milites reddit.

Sept.  
20.

Vigeſimo Septēbris ante meridiem hora fere no-  
na hoſtis bombardarum tonitrua ſua rurſum edidit, ac  
dum vallum, quod ab vtroque portæ Friſiorum latere  
diffunditur, machinis iſtis æneis diruere inſtituit: proxi-  
mis magis oppidanorum ædificiis, quam munitionibus  
iſtis damnum infert. Quicquid enim in his tormento-  
rum vi conuulſum erat, id noſtri euſtigio aggeſta ter-  
ra ſarciuerunt. Eo ipſo die tormentorum maiorum  
globi in mœnia emiſſi nunerantur ſeptingenti. Proin-  
de rurſus pomeridiano tempore expeditos ſuos vico  
Outdorp



Outdorp emisit Hispanus, ut periculum facerent in expugnanda turricula orientali. Verum illi dum reliquum adhuc pontem in aquis collocare aggrediuntur, ita a sclopetariis nostris, qui in muris stabant, sunt excepti, ut e suis multos dicantur amisisse, & in his praefectum aliquem militum. Nec potuerunt Hispanorum Tribuni aut Centuriones, nondum ponte ut oportuit ad moenia extenso pugnatores suos minis aut verberibus adigere, ut muros conscenderent, tametsi ex tergiuersatoribus illis, qui oppugnationem subterfugiebant, ad quindecim numero trucidasse ferantur. Ea igitur difficultas oppugnationi turris impedimento fuit. Nam etsi militum suorum animos honorariis praemiisque ingentibus propositis, si urbem modo caperent Federicus Toletanus incitasse dicatur: nihil tamen ibi, quam stragem & vulnera suorum consecutus est. Nec alia ex parte felicius successus. Qui enim expugnandae Frisiorum portae destinati erant: substituerunt ad proximum molendinum, fortassis quo minus ad urbem accederent, aliorum infortunio ac clade satis edocti. Itidem haeserunt ad portam Harlemensem, ubi quod in velitatione usu venit, huc illuc quidem discurrerunt, eorum nemo tamen pontem ad manum admouere ausus fuit. Hispanus igitur sua arrogantia dum institutum pertinacissime urget, totum diem sub armis stipendiarios oppidanosque exercuit, dum interim aggeres ac propugnacula a rusticis ac foeminis probe reficiuntur. Sub occasum Solis quum ad meridiem equitum peditumque globus, sub proximo vallo condensaretur: armario praepositus scitus adolescens grandinibus, quas vocant, maiore tormento emissis, medium illud agmen perrupit, ita multis subito exanimatis reliqui euauerunt. Vespertigitur, quum Hispanus suos ab urbe paulatim reduceret, nostri conduplicatis ad moenia custodiis, corporibusque curatis quieti paulisper se dederunt.

C ij

Quan



Quantum eo die militum in exercitu hostili deperditum sit, nec dum nobis cōpertum est. Inter oppidanos autem desiderati tres aut quatuor, & in his Egbertus Diert signifer vrbicus, excelsi animi ac magnæ virtutis adolescens, sed præceps & incircumspectior, quem Hispanorum aliquis, dum incautus in hostem bombardulam intēdit, sclopi globo percussit. Ex præfidiariis verò octo tormentis hostium perempti. Ita secundum Deum non leui documēto palam fecit, vt a fœderatis ac sociis nihil auxilij mittatur, se tamen rebus etiam desperatis nobis non defuturum. Siquidem Hispanus in explicandis suis pontibus ridicule hæsit, ac cœlum, vento sub ipsum pugnæ tempus stationem subito mutante, suauiter nostris aspirabat. Obseruaui in aëre hora ferè tertia, impressionem, quam vocant, igneam figura triangulari, quæ a septentrione orta sensim ad meridiem progrediebatur, ac post horulam disparuit. Id nostri, quoniam in ipsam expeditionem inciderat, pro lēto omine interpretabatur, ac si a septentrione & meridie auxilium nobis expectandum fuerit. Ac paulò ante occubitum solis, incendia latè mouebantur orientem ac septentrionem versus, quod a nostris studiosè factum augurabamur ad spem obfessis excitandam. Et si enim qui in subsidium nobis ab illustr. Principe Auraiico destinati erant, intra munitiones ad pagos proximos probè se continerēt, securi omnis euētus, qui arctissima obsidione clausam ciuitatē manebat: ne nihil tamē fecisse viderētur, subinde signo aliquo felicioris successus sublato conabatur nos in spem liberationis atque fiduciam erigere, perinde ac si propugnatores & vindices nostri in propinquo atque ad manum essent.

Confirmarunt autem nos literæ aliquot ab amicis per rusticos duos hoc ipso die sub noctem nobis redditæ: iis significabatur Christophorum Palatinij filium secundis aliquot præliis ad Nouiomagū cum Pōtificiis conflixisse,



conflixisse, ac profligatis illis copias admouisse ad Tielam Geldriæ oppidulum. Ludouicum Nassouum cum magna peditum equitumque manu e Cliuia aduentare. Saxonix Duci Augusto ac Federico Palatino ingentem conscribi exercitum. Adhæc e Suythollandia nostris ab Auraico auxilio missa peditum Gallorum vexilla octo, quorum plærique statua habeat in Langedijck celebri Northollandiæ pago. vnde ad urbem obsessam breuis facilisque est traiectus. Munitiones quidem nostris ad Schellincvoudam a Pontificiis esse adempras. Verum contrà Præsidii Auraicorum firmata esse Monickedamum & Purmerendam VVaterladiæ oppida. Postremo tertium quæque in Northollandiæ oppidis ad prælium nauale exciri, vt naues, quibus Amsterodamenses mare suæ potestatis facere conarentur, illis eriperet. Hec erat earum literarum, veluti quædam summa, quibus vulgò ciues tanquam præsentia aliqua subsidiorum spe atque expectatione rursus lactabantur sed cordatiores facile olfaciebant, e Northolladia nihil auxilij nobis summissum iri, quoniam eorum manus exigua ad modum erat, si cum ingentibus Hispanorum copiis conferatur. Vbi ista renunciaissent agrestes, campanæ pulsu signum prælij rursus datum est. Sed compertum statim vanos fuisse hostium clamores, vt & antea de nocte semper, ac die insequenti, qui D. Mathæo sacer est, rursus Hispani boatum suum nocte non semel ediderunt, a nostrisque ter ad arma concursum. Hispanus verò positis mox sclopis vociferari desit. Habuit hostis & in obsidione Harlemensi pro more, vt terriculamentis eiu smodi, quæ superuacua fuisse euentus postea declarauit, torporem legnitiemque obsessis inderet, atque ita per occasionem, dum credunt hostem ludos facere, ac metiri oppugnationem somniculosos ad cunctantes opprimat. Obseruandæ sunt igitur circumsessis technæ Hispanorum, quas sola diligentia vigilantiaque facile eluseris.

Exinde hostis obsidionis dimittendæ non obscu-

Sept.  
21.

C ii)

ram



ram cœpit significationem dare. Septembris enim vige-  
gesimo secundo, munitiunculas, quas ad meridiem sub  
propugnaculo habuit, vacuas reliquit, nostri verò ubi  
illuxit, emissis manipulis aliquot, prædæ nonnihil inde  
abstulerunt. Sed & pontem, in quo extruendo collocan-  
doque tantum operæ ac laboris Hispanus posuerat, fru-  
stratim conciderunt, alendo igni materiam aptissimā.  
Denique munitiones, quæ vbi propius adhærebant, di-  
ruerunt ad solum. Volupe erat videre nostros obam-  
bulantes in iis locis, quæ pridem hostis, ceu bello cap-  
ta possederat. Adhuc liberior paulatim e muro prospec-  
tus aperiebatur, quod papiliones & tentoria multa ad  
meridiem hostis e medio sustulerat. Visus & sub ves-  
peram curribus aliquot, vascula quædam pulueris,  
vti coniciebatur, bombardici a rubea turri, vicum Ou-  
dorp reducere.

Et si autem nostri in ea liberationis spe suauiter ac-  
quiescerent, nec amplius solliciti essent de hostium  
consilio propius exquirendo: Dei tamen paterna &  
ineffabili bonitate effectum est, vt ij, quos hostis in  
nostram perniciem destinauit, machinationes eius &  
insidias nobis patefacerent. Nam Gallus quispiam  
quem inter alios Hispani captiuium Harlemo abduxer-  
ant, de nocte in urbem receptus, quum a nostris  
interrogaretur, quur ab Hispanis ad nos transfiret, in-  
genue cōfitebatur, se ab hoste amandatum, vt militum  
oppidanorumque conditionē propius exploraret, ac si  
qua posset Pontificiorum in vrbe auxilio atque operæ  
hosti urbem traderet. Cuius si qua efficiendi ratio com-  
mode se offerat: de vallo vel voce vel signis indicet,  
alioqui statō die reuersus ad ipsos referat, quis totius,  
urbis status sit. Quod verò mandatum eiusmodi adim-  
plendum suscepit, cuius præstationem cum teterrimo  
scelere sciebat esse coniunctā: se vitæ quidem redimen-  
dæ causa fecisse, imprimis autē spectasse urbis ac ciuium  
incolumitatē, tamen si ingentia sibi dona proposita aie-  
bat



bat, se in prodendo oppido hosti operam suam accom-  
modasse, sed eorum nullā se rationem habere, vel ex eo  
colligi, quod hostium consilia apertē ipsis enuuciarit.  
Quare audita initoque consilio penitus discussa, Septē- Sept  
bris vigesimo tertio, sub iurisiurandi religione placuit 23.  
Consulibus ciuitatis, Tribunis militum, atque iis, qui in-  
collegio sagittariorum, quos vocant, principatum obti-  
nent, ne quid de eo sermonibus in vulgum spargeretur,  
quin potius persuadendum multitudini, renunciari a  
Gallo, quod hostis intra dies quatuordecim obsidionē  
soluet, quoniam auxiliares Germanorum copiae in pro-  
pinquo sint. Ille verò custodiē publicē cōmendatus est.  
Inter alia autem narrabat, valde id vrere Hispanū, quod  
toto obsidionis tempore neque perfugis ex vrbe, neque  
literis Pontificiorū edoceretur, quid ad tuendū oppidū  
in præsidio rebusque ad sustinendā vitā necessariis spei  
atque animi haberemus. Quod certē argumēto est, op-  
pidanos a stipēdiariis quibūdā prodicionis crimine fal-  
so arcessi, ac ciuium nonnulli noctu ex vrbe ad hostium  
castra profugerint, vel epistolis ad sagittas alligatis in-  
uadendi oppidi consiliū ac rationē eis significarint. Per  
id quoque temporis quidā e gente Germanorum, qui se  
administrū prædicabat Georgij Fronsbergensis de noc-  
te aliquem rursus nostrorum ad colloquium deposce-  
bat, ac quem accitus euestigio Gulielmus Sonnebergus,  
qui ob tenuem Præfecti valetudinem partibus eius pro  
temporeungebatur, ad meridiē in propugnaculo con-  
stitisset: dixit orator ille rationem ciuibz ineundam,  
quemadmodum capitis ac facultatum libertatem pacto  
complexi, se Regi Hispaniarum maturē subiicerent, de  
fide autem pacti conuēti, quod cum ipsis iniretur, du-  
bitari non oportere. Verum ad hæc diserte Sonneber-  
gus, nunquam se aut oppidanos eius animi fuisse, vt  
iustum Regis Imperium recusarent, quin potius sub  
Principis Auracii Reſtoris Hollandiæ tutela ac defen-  
sione vitam se, fortunas omnes, ac denique urbem



vniversam Regi libēter submittere. Auerfari verò toto pectore tyrannidem atque iniustum Albani dominatū, cui modis omnibus obuiam ire decreuerint. Eo responso accepto Germanus iste mox discessit.

lept. 4. Vigesimo quarto huius mensis rustici isti, de quibus supra commemorauimus, quum remissi ad Præfectum Northollandiæ totum diem in arundineto delitissent, secundo redierunt in urbē, quod per custodias hostium transitus non daretur. Atque hoc ipsum mirifica Dei opt. max. providētia fieri existimabā, quando quidem non hostis modò de ciuitatis ipsius conditione ac statu non fiebat certior, dum vigilātia eius excubiis- que arctissimis emissarij nostrisemper in urbem reiciebantur: verum & ciues ipsi, dum aliundē nō summitterentur, qui de auxilio sociorum nobis significarent, veluti manu ducebantur ad Deum, precibus interpellandum, in quo vno incolumitatis ac liberationis spem atque fiduciam nobis repositam esse oportuit. Quocirca de voluntate Consulū Tribunorumque tabelliones in vrbe retēti sunt, ne quid de nobis Hispanus resciret. Vidinius autem sub vesperum ex tormētis quæ e regione turriculæ orientalis collocata erant, duo ad proximam ripam fuisse obuersa. Sed & loco mota esse illa, quibus ad salinas hostis vsus fuerat. Denique tētoria a meridie indies rariora conspiciebātur, vt inde colligere proclique fuerit obsidione dimissa breui urbem liberatum iri, aut aliud Hispanum ex insidiis & clanculum agere. Cæterum vbi Gallus, quem pridie hostis e vinculis exploratum ad nos miserat, indicasset nostris, aliquem noctu Hispanorum globum a meridie coactū iri cui vel voce vel signis vti conuenerat, quid innueret: placuit Consulibus, militumque Præfectis, si qua Hispanorum manus eò conuenisset, vt bombardis explosis dissiparetur. Itaque, cui id in mandatis erat datum tormentarios globos eiaculatus est, simulatque inibi Hispanorum copiarum aliquæ conspiciebantur. Id quidā paulo incircūspectius factum



actum esse existimabant, non solum quod de eius fide,  
qui hoc faciendū suaserat, meritò dubites, quoniam ab  
hoste propositis magnis præmiis ad facinus istud solli-  
citatus sit, verum etiam quod fieri facile potuerit vt res  
omnis cōpositò sic gereretur. Quid enim, si ante hosti  
promisisset Gallus eiusmodi significatione prodere ei  
consilium Pōtificiorum in vrbe, aut totius ciuitatis sta-  
tum? Sed dedit Deus, vt augurium istorum vanū fuerit.  
Eadem nocte hallucinatum nonnihil in signo excubi-  
toribus dādo, quod aliud ab Præfecto Cabellauo, aliud  
a Sonnebergo collatum esset. Verum absque motu po-  
pulari ac tumultu nox transacta est.

Vigesimo quinto Septembris in crucē sublatus est  
Hispanus, quē nostri eiusdē mēsis decimo quinto e mu-  
nitione hostium captiuū adduxerāt, ac cadauer postea  
de vallo suspēsū est sub oculis Hispanorū, eo potissi-  
mū cōsilio, vt qui pro Gallo, quē supra ab hoste explo-  
randi oppidi causa subornatum diximus, fidem suā in-  
terposuerant, fore vt tandem statò die, ad Hispanos re-  
uerteretur, supplicio eximerētur. Concaptiui enim eius  
capitis sui periculo receperant ante proximam diē Do-  
minicam rediturum esse. Proinde Galli habitu cultuque  
corporis pensilis factus est Hispanus, vt conficta mēda-  
ciūque specie id saltē apud suos efficeret, ne sponsores ac  
vades Galli iniustē plecterentur. Nam hoc fuco persua-  
deri posse Hispanis, multi credebant, Gallum istum pa-  
refacta machinatione capitis damnatum a nostris, ac  
proinde excusationem fideiussoribus eius constaturam.  
Nimirum id præmij pro indicio tulit miser Hispanus,  
postquam ex verò futura in exercitu hostili prænuncia-  
uit. Nam etsi alioqui nostrorum lenitas ac clemētia in-  
dubie eum seruasset: ipsius tamen nece ancipitem pror-  
susque incertam salutis aliorum spem captandam cen-  
suerunt. Moriendum ergo ei fuit vt nostris bello captis  
ad viuendum spes suppeteret. Verum vt id obiter inter-  
feramus, Magistratus vrbani, quum ob victoriā nuper

C V

partam

Sept.  
25.



partam milites vestiēdos suscepisset: re penitus in spec-  
ta, eò consilio destitit, cum quod in omnium capita pā-  
nus non suppeteret, tum etiam quod non eadē cuiusquē  
lanæ bonitas esset. Mutata igitur ea sententia, decrevit  
Senatus, cudēdos e stanno publica forma nummos, qui  
triginta assibus fungantur, addita lege, ut obsidione so-  
luta Senatus plumbeum istud numisma proba pecunia  
commutet, ne milites & oppidani damnum ferrent. De-  
cretum illud factum Septembris vigesimo octauo.

Sept. 28. Postridie eius diei Senatus publico signo percussis  
Sept. 29. istis nūmis singulis militibus senos attribuit, duplicia-  
riis duodenos, ac deinceps Præfectis, pro rata, quam vo-  
cant. Ea summa excurrebat ad florenorum millia decē,  
quibus egrē adhuc militum querele sedabantur. Sed re-  
deamus ad Hispanos, qui dum capiēdi oppidi spe semel  
deiecti sunt, istis diebus occupabātur in colligendis im-  
Sept. 25. pedimentis exercitus, ac transportandis. Vigesimo enim  
quinto Septembris sub auroram cernere licuit ex tor-  
mentis maioribus, quæ ante portam Frisiorum posita  
fuerant numero nouem, tria duntaxat: ex septenis, quæ  
ad turrim rubeam, tria item modò relicta fuisse, quæ  
& ipsa aliò obuersa erant. Postridie ad portam tor-  
mentorum nihil repertum. Adhuc tamē in oculis erant  
bina illa sub molēdino, & quæ ante turrim rubeam nu-  
mero tria erant residua. Ac triduum quod sequitur, cō-  
sumpserūt Hispani bombardis aliisque rebus auehēdis,  
dū nauibus impositas Egmondā eas transferunt. Cæte-  
rum quum duris admodum impedimētorum subuecti-  
onibus laborarent: per multos dies viam illam, quæ a  
vicino vico Outdorp in urbem ducit, truncis, fœno, stra-  
mentis ac ruderibus consternebant reficiebātque, quo-  
niam aqua pluuia ac proximi lacus restagnatione inter-  
rupta erat. Impedimenta enim plaustris carpentisque  
hac traducere cogebantur.

Sept. 30. Ultimo Septembris, vbi per noctē frustra aliquandiu  
tentassent a turricula orientali machinas suas æneas  
transferre,



transferre, quæ palustri & vuido loco pondere suo al-  
ius depressa infederant: mutato consilio limen por-  
tus nostri, quæ naue interiecta nuper clauferant, rursus  
paruerunt, naue ea in terram educta, fortassis ratibus  
ormeta transportaturi. Ac tota ea nocte, quæ iuxta tur-  
rim orientalem impedimenta habebant, in vltiorem  
ripam lembis quibusdā exposuere. Animaduersum præ-  
erea nauculas omnes, quæ impedimentis onustæ duce-  
bantur, cursum Egmondā dirigere. Vidi ipse sub vespe-  
rā dum meo more ad mœnia inambulo magni nominis  
virum vt conicere licebat purpurea amictu chlamyde,  
cuius in comitatu equites erant quindecim, præter vr-  
tem equo vehi, Egmondāque tēdere, quod nostram de  
hostium abitu spem & expectationem confirmabat.

Calendis Octobris nocte tota iuxta turriculam ru-  
beam strepitus in castris hostium auditus est, quasi tor-  
menta reducentium cum magna difficultate ac tædio.  
Illucescente autem die in aggere, qui ab vrbe in orien-  
tem vergit, & ad Schermeru vsque lacum excurrit, vi-  
dimus ipsi, quantum coniectura assequi licuit, posita  
tormenta quatuor, quæ sub ipsum prandij tempus na-  
uibus impolita Nieportum transtulere, comitantibus in  
ripa armatis aliquot cohortibus, fortassis ne nostri cum  
sua triremi, quæ vicinum lacum veluti præsidio obti-  
nebat prædam illis extorquerent, nec multo post na-  
uigia ea expositis vt credebatur ad vicum tormentis  
vacua redierunt. Eodem die ante meridiem bombar-  
darum crepitus a septentrione audiebatur, nec superua-  
cuum erat credere nostros cum hoste velitatione ali-  
qua conflixisse ad Crabbedamum vel aditum vici Scho-  
teliorum. Ad vesperam verò vidimus equites quosdam  
cum peditibus ferè cētum pago Coedijck ad urbem re-  
uertī, vt vel inde colligere fuerit promptum, aliquo  
prædatum excurrisse.

Postridie verò, qui abhinc anno Mechliniensium de-  
fectione memorabilis est dies, ex tormentis, quæ ante  
rubeam

Oct.

Oct.



rubeam turrim posita fuere, duo duntaxat reliqua conspiciebantur. Videbatur autem istis diebus e sublimi Deus Hispanos deridere, dum continuis imbris, ventoque impetuosiore, navigationem eis precludit, interuertitque vias, ne pro suo lubito impedimenta reportarent. Nam & ad domum, quae salinarum e regione sita est, aeneum illud magnum tormentum relictum videbamus, fortassis quod isto caelo nauibus illud transferre non sint ausi. Curribus vero impedimenta deuehebant ea via, quam aduersus inundationem vicini lacus foeno ac stramentis operose munierant, aegre autem procedebant carpenta, quod limosis coenosisque viis implicita haerent.

**Oct. 3.** Tercio Octobris occupabantur etiamnum in auerhensis impedimentis exercitus, quod nocte precedente per procellas ac turbidam tempestatem naues regere non potuerint. Rursus igitur sub horam prandij nauigiis duobus videbantur tormentorum aliquid transportare subsequenteribus fere centum peditibus. Ac vico Huysveert emissi milites aliquot, sternendis muniendisque itineribus operam dare videbantur. Et ne nihil egisse eo die dicerentur, tormentorum alterum, quod sub molendino habebant, undecies in urbem explosere.

Ceterum die proxime inlequeter vacuefactas mane, quae pro turricula orientali erat, munitiones deprehendimus, translatis inde reliquis tormentis. Atque hoc tempore quanta maxime potuerunt celeritate manubias & spolia agricolis adempta, cum impedimentis Egmondam deuehebant. Praeter haec & pontem, quo tormenta sua ad portam Frisiorum traduxerant, ea nocte sublatum constitit, denique aeneum illud ac grauissimum tormentum quod ab ipso principio ad salinas erat directum nauigio Nieportum a prandio transportarunt, sclopeta-riis aliquot ad custodiam adhibitis. Iam nulli dubium erat, quin castris motis exercitum breui deducerent.

Siquidem tormentorum maiorum nihil erat reliquum, praeter



præter duo quæ pro Frisiorum porta sub molendino  
erant posita. Hoc ipso die Petrus cognomento Buser,  
Consulum administer in obeundis ciuium exterorūque  
in ius vocationibus, quum e vallo in hostium castra for-  
te prospicit. Hispanorum aliquis caput ei missili globo  
traiecit, ac subito collapsum exanimauit. Verū vt istum  
ciuitatis publicum luctum letioris euentus commemo-  
ratione interpolemus: in castris hostium, nocte ea, quæ  
proxime antegressa erat, quum a nostris bōbardæ glo-  
bulo Hispanorum, aliquis percussus esset, moribundus  
cum gemitu exclamauit. Mater Dei memēto mei, credo  
quoniam Christus ab omni periculo ac vulnere tutum  
non præstiterat, eò ad matrē eius pro emplastro voluis-  
se confugere. Ac cum Hispanorum genus muliercula-  
rum amoribus sit impurum, puellasque in re venerea  
ad nutum obsequentes sibi habeat: opinantur fortassis  
& virginem matrem muliebri cōmiseratione ad se iu-  
uandos vltro propendere. Tanta tamque horrenda est  
Iberici ingenij cæcitas.

Quinto Octobris cœlo albescente, pago illo, qui O. A. 3.  
olim D. Pancratio operatus erat, plaustra ægrotis, fau-  
ciis impedimentisque onusta videbantur reducere, sub-  
sequentibus peditum manipulis aliquot. Nostri verò,  
quod indies hostiū copię rarefcerent, parabant aperto  
portu nauigiis aliquot domū inuadere, quam hostis suis  
custodiis insederat. Verū vbi naues in hūc vsum instrui,  
limēque portus recludi Hispanus animaduertisset: co-  
hortes aliquot suorū ratibus in vltiorē ripā expostas  
istis excubiis præsidio addidit, qua re cognita nostri sta-  
tim cōsilio suo destiterunt. A prædio autē e propugna-  
culo, quod Frāciscanorū tēplo adhæret, prædiarij no-  
stri excursionē facta nauem spoliis hostiū refertā cepe-  
rant, quorum summa putabatur ad caroleos ducentos. O. A. 4.

Postridie e munitionibus quas nostri habebant ad  
vicum Crabbedamum, duo noctu liberius exspatiati  
Montium vsque exploratum accefferant, ac cum nullas  
in ini-



in itinere hostium excubias offendissent Alcmariam  
peruenere, renunciantes iis locis neminem hostium vi-  
gilia secunda aut tertia se deprehendisse. Verum dubi-  
adhuc luce crepusculi vidimus de muro ad ostiū Scher-  
merij lacus excubantes hostes, numero centum fere ac  
quinguenta. Adhuc e papilionibus ad vicum Outdorp  
complures postea emerferunt, quibus deinde equitum  
turma quædam accessit, quæ urbē præteruecta cum ma-  
nipulis aliquot peditum Montium tendebat. Ea propter  
nuncios istos duos, quod de eorum fraude non levis  
suspicio incidisset, de consilio Tribunorum ac Magistra-  
tus Alemariani in custodia publica habendos placuit.  
Præsidarij verò nostri portu schaphis aliquot emissi  
desertas ab Hispano muntiones pro turricula orien-  
tali lustrarunt, ac prædæ nonnihil corrasere. Identi-  
dem excursionibus ad portam Frisiorum factis, hastas,  
galeas, ac sclopos nonnullos collegerunt. Cæterum pon-  
tem illum, quem hostis iuxta turriculam rubeam coac-  
tus erat relinquere, hoc ipso die subductum in urbem  
ceu monumentum posteris asseruari visum est. Quem-  
admodum autem heri ac nudius tertius flammæ in pa-  
gum Coedijck Hispani a septentrione intulerant: ita in  
excitandis ibidem incendiis & apud Schorelios progres-  
sum faciebant non paruum, non alio forte consilio, quam  
ne post se quid reliqui nostris facerent, imperandique  
rusticis tributi oportunitatem ac copiam semel adime-  
rent. Oppidanis quidem stipendiariisque animus erat  
Hispanos incendiis istis prohibere, sed periculum erat  
in tanta propugnatorum raritate ne si nostri eruptione  
ex oppido facta cæsi essent, per occasionem urbe cap-  
ta hostis nos opprimeret, quæ certè res & conatibus  
nostrorum obstitit, quo minus tormentorum aliquid  
Hispanis eriperent. Cæterum subsidiarij nostri excuban-  
tes ad pagos vicinos, quænam ad hanc rem impedi-  
ta habuerint, non satis nobis constat.

157

Septimo Octobris non eadem nauium vehiculo-  
rumque



rumque frequentia erat, ut antè, non eadem etiam ho-  
minum commeantium remeantiumque turba in castris  
hostium. Sub noctem quoque custodiæ ante oppidum  
variores dispositæ. Qui de nauibus nostrorū multa iam  
die per excubias hostium in urbem venerat: narrabat  
nostros cum Amsterodamensium classe nauali pugna de-  
certasse, illos naue amissa ad urbem plerasque naues  
subduxisse VVaterlādos omnes Alcmarianorum exem-  
plo maiore fiducia ac spe in hostem ire, paratosque esse  
extrema potius pati, quam in hostium venire potesta-  
tem. In exercitu hostili iactari a veteranis nunquam a-  
ntè visam ante hac oppugnationem oppidi tam horren-  
dam & arduam, atque hæc nostra fuerit, cecidisse in  
ea mille quadringentos, atque in his magna virtute  
ac laude bellica Præfectos duos, quorum alter Beuer-  
wyckæ, alter verò Amsterodami honorifico funere cla-  
uus fit.

Eiusdem mensis octauo die sub auroram Hispa- Oa. 8  
nos ad vnum omnes vico Outdorp, Montium abire  
videbamus, postquam tormenta illa duo, quæ sub mo-  
lendino residua fuisse diximus, iam ante noctu abdux-  
issent. Qui postremum agmen claudebant pedites,  
et munitionibus, quæ ad molendinum habuerunt, tan-  
dem progressi, velitationes aliquandiu cum nostris  
præsidariis fecere. Sed urgentibus nostris tutum ad  
duos habuerunt receptum. Ita hostis, cum aliquan-  
disper ad vicum Huysveert restitisset, tandem om-  
nem omnino exercitum, qui a septentrione stativa  
habebat Montium deduxit. Inter hæc explora-  
tores aliquot oppido egressi, cum vicum Outdorp  
vacue factum ab Hispano reperissent, accedente pos-  
tea maiore militum manu, qui de triremi aliisque  
nostrorum nauibus pacatis iam itineribus eò con-  
fluebant, iniussu Magistratus urbici in pagum il-  
lum antiquitatis nomine clarissimum flammæ immi-  
serunt, ac paulo post eodem excidij genere vicum  
Huysveert



Huiusveert prorsus absumpsere. Hunc exitum atque finem habuit obsidio Alcmariana, postquā durasset hebdomades septē. Hispanis certē prāterquā quod magno admodum constitit, probrosa, dedecoris atque ignominia plena. Quid enim magis deforme ac pudendum, quam vniuersam Hispanorum potentiam, vires & opes omnes hāsisse ad tam infrequens populo oppidū. Quā obsecro res maiorem ipsis pudorem ruboremque incutiet, quam quod tam horrēdā, tam arduā, tam diuturnā vrbis oppugnationi pueri etiam & puellae confidenter & intrepidē restiterint? nimirum ita Deus fastum ac tumore insolentissimae arrogantissimaeque gentis deiicit ac retūdit. dum populo militiae insueto atque aliquin imbelli deridendos propinat, obiicit conculcandos proterendosque virgunculis mulieribusque explēdos exhibilandosque prābet. E diuerso Alcmariā ut oppidum sit in oculis quorundam vile atque abiectum, prāter omnium spem atque expectationem lētissima victoria triumphoque celeberrimo ad miraculū vsque exornauit, crexit e stercore ac coeno, atque inter principes Hollandiē ciuitates recensendam locauit. Debemus illi, illi inquā debemus vni Deo nostro, quod Rempub. habemus pariter & Ecclesiam Christi ab impotenti Hispanorum intolerandaque dominatione ac prophanis ceremoniis vindicatam atque liberā. Ille idem pro paterna sua clementia & benignitate precibus nostris dabit. ut Alcmaria, quemadmodum multis retrō annis puram Euangelij doctrinā inter pauculos ac verē pios clanculum & tectē cum magna constantia ac perseveratione retinuit, ita Ecclesiae Christi

sedes domiciliumque sartum tectum

perpetuo maneat, ad laudem

& gloriam sacrosancti

nominis eius.

Amen.

F I N I S



*Elenchus totius exercitus qui Alcmas*  
riam obsidione cinxit, anno 1571.

D. Fridericus Toletanus exercitus Imperator,  
Dominus de Noircarmes. Noircarmius.

Julianus Romerus Legatus.

Gonsalvus de Brackamonte Chiliarcha, siue, Corone-  
nellus. Brackmontius.

Petrus de Velasco. Velascus.

Petrus Toletanus.

Dominus de Goignij.

Stephanus Dynara, Præfectus Palatio D. Friderici.

Dominus de la Mote, tribunus armamentarij.

Præter hos ex nobilitate Hispanica, & primoribus con-  
plures qui in pago Vetere, cui nomen Outdorp, ad  
quadringētos equos habuere, in eo pago Veteranus  
Hispanorū exercitus castris habuit locū, duo & qua-  
draginta signa complens. Adhæc octo signa noua-  
rum cohortium quæ in subsidium & completum  
exercitus nuper admodum ex Italia aduenerant, ex  
naualibus copiis quæ Duce Ioanne Austriaco Turcas  
profligarant. Præterea 150. equites  
custodiæ D. Friderici additi.

In pago dicto Huysvvaert, Fernandus Toletanus con-  
sanguineus D. Friderici castra metatus fuerat, qui  
Prætor octo signa ductabat Hispanorum quos recens  
miserat Italia, vti ante dictum est, quorum cohortes  
25. numero fuere, satis copiosæ, quarum singulæ  
fermè ducenta capita numerasse creduntur.

Pagum Diuo Pancratio sacrum obtinuit Polyvijlerus  
cum senis cohortibus, quibus coniunctæ fuere quinq-  
que cohortes Domini de Bily Præfecti Groningæ.

Pagus Coedijck dictus Dinastæ de liques Præfecto Har-  
lemensi fuit designatus, eiusue Legato Vicario qui  
duodecim cohortes ducebat. Eodem loco substitit  
& Baro de Cheyreaulx cū octo signis Burgundionū.

D.

Bergara



Bergam siue Montium insedit Dominus Capreanus  
cum decem VValorum è Belgio cohortibus.

Apud Neoportum confederant septem Hispanorum  
cohortes, deinde Georgius Fronsbergus duodecim  
cohortium Germanorum militum bene armatorum  
ductor. Præterea Otho Ebersteinus Comes cum  
tribus cohortibus.

Cohortes in vniuersum fuere centum viginti & vna,  
quæ principio ad obsidionem Alcmariæ deductæ  
traduntur, è quibus nonnullæ postea ad aggerem  
Schellingvvoudanum & classem Amsterodamæam  
fuerant traductæ. Supernumerariæ fuerunt duæ  
turmae equitum expeditorum, quorum ad velitatio-  
nes vsus esse solet, & ala equitum Germanorum quæ  
Georgium Schenckium sequebatur.

### *Loci sic corrigendi.*

Pagina	machinationes	machinationes
1	tationes	rationes
4	temutate	tenuitate
5	certantum	certantium
8	confilia	confilia
8	Cæteram	Cæterum
9	perfugarumque	perfugarumque
12	defectu	defectu
17	nemero	numero
17	domu in	domum
17	quibusda	quibusdam
18	machmatione	machinatione
19	quam	quam
20	omni no	omnino
20	lacunm	lacuum
21	incantius	incautius



Pagina	26	repeti	repeti
	26	subsidet	subsidet
	27	pleuum	plenum
	27	molendiuo	molendino
	29	fit	fit
	30	cedentium	cedentium
	31	videdatur	videbatur
	31	vocani	vocant
	32	Hispanus	Hispanis
	32	Hispanus	Hispanus
	32	casum	casum
	38	fuerat	fuerat
	42	agricolis	agricolis
	43	hostis	hostis

Lege.

Paginarum numerum (cum Typographus propter  
earundem paucitatem omiserit) a prima incipiendo  
colligas.

DELPHIS

Excudebat Vidua Harmanni Schinck  
kelij, M.D.LXXIIII.



43. hollis  
 42. agnoscit  
 38. lumen  
 37. colum  
 36. hollis  
 35. agnoscit  
 34. lumen  
 33. colum  
 32. hollis  
 31. agnoscit  
 30. lumen  
 29. colum  
 28. hollis  
 27. agnoscit  
 26. lumen  
 25. colum  
 24. hollis  
 23. agnoscit  
 22. lumen  
 21. colum  
 20. hollis  
 19. agnoscit  
 18. lumen  
 17. colum  
 16. hollis  
 15. agnoscit  
 14. lumen  
 13. colum  
 12. hollis  
 11. agnoscit  
 10. lumen  
 9. colum  
 8. hollis  
 7. agnoscit  
 6. lumen  
 5. colum  
 4. hollis  
 3. agnoscit  
 2. lumen  
 1. colum

Yalmarum agnoscit (non typographus propter  
 carundem pariterum omnium) 2 prima incipit  
 colligit

D. E. L. P. M. 12  
 Examinetur Nihil Hominum Scire  
 M. D. L. XXIII



